

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第七冊

國家圖書館出版社

第七冊目錄

四川學報	第二年第十二冊	光緒三十二年		一
四川學報	光緒三十三年第一冊	光緒三十三年		一三三
四川學報	光緒三十三年第二冊	光緒三十三年		二六三
四川學報	光緒三十三年第三冊	光緒三十三年		三九三
四川學報	光緒三十三年第四冊	光緒三十三年		五二三

四川學報

第二卷第三冊

聲明代派

創設學報原爲開通民智故第一年第一冊尾頁所載凡代派至二十份者酌提一成五十份以上者酌提二成作爲酬勞係指坊間紳商分售而言俾獲餘潤代爲經理如各府廳州縣札派者專發學堂所有報價應按實數申解不得援以爲例 學務公所廣告

光緒三十二年

第三冊

四川學報

大清郵政局特准掛
號認為新聞紙類

圖書課發行

諭旨

奏議

公牘

章程

講義

譯編

論說

選報

表

附編

學部會奏考試游學畢業生情形摺○學部奏酌改考試畢業分數片○學部附奏派員查學片
○學部奏議獎山西舉人段澤年等肅銜摺○總督部堂奏大竹縣民陳和順與學請獎摺○吏
部奏添設學治館摺○鄂臬奏請建山阜學堂摺○御史趙炳麟請推廣農林摺

政學堂章程摺○學部咨覆進士館新內外班學員辦法文○學部
學部批四川知縣盛延齡自費赴東游歷呈○學部咨各學堂酌購風琴文○學部札各省提學司
咨使日大臣派學員梁載熊等習法政文○學部咨各學堂酌購風琴文○學部札各省提學司
禁學生吸食烟草事 批十二月分

四川法政學堂章程(續第十一期)

視學提要教育法下篇(完)

愛珠幼稚園沿革志(完)

論女子宜設修身演說會○論女學難求師範○論改良戲曲○工藝學堂自序勉勵學生研究
國文說

南无縣高等小學堂第一年一學期績分成續表

上海國學保存會章程○讀張校補致江蘇學會函書後○論精神教育○兼閱晉崇獎考優收
費照前奏辦理片○河南提學使司孔勸諭興學示文○陞任連方伯答濟南歡迎會頌詞○袁
宮保及其夫人演說

十二月初一日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨御史趙炳麟奏請定教育宗旨一摺學術人心關係至大迭經降旨宣示學堂以中學爲主西學爲輔培養通才首重德育並以忠君尊孔尙武尙實諸端定其趨嚮凡在臣民豈容不修明倫理願行願言茲據御史奏稱曲阜學堂開辦伊始請以明人倫重躬行爲要義等語亟應申明前旨俾共切實遵行所有曲阜學堂應如何慎選師生注重行誼著學部會同張之洞悉心妥議詳訂規則奏明辦理欽此

學部會同考驗游學畢業生情形摺

奏爲會同考驗游學畢業生情形恭摺具陳仰祈 聖鑒事竊本年四月內經學部奏請

每年八月考試游學畢業生一次又於八月內奏陳考試游學畢業生章程五條均經奉

旨允准在案嗣准京外各衙門先後咨送應考畢業生到部呈驗文憑其學業未及專門

及文憑查有疑竇者均經臣等先行剔出不令與考以杜冒濫計應考者共四十二名於八

月二十七二十九兩日分場考試並先期調取科學優長之前候補四品京堂魏瀚發往兩

江並委四川補用道劉慶汾直隸候補道嚴復屈永秋候選道詹天佑程經世刑部員外郎

陳壽田候選同知吳仰曾等八名會集學部公所分充襄校考試之日臣等督率部員輪流

監察嚴杜弊端該生等亦皆恪守場規秩然有禮臣等將兩場試卷分交襄校各員各就所

長悉心校閱酌配分數再由臣等詳細覆校並就該生等學業程度參互考證統將兩場所

得分數平均核算滿八十分以上者爲最優等滿七十分以上者爲優等六十分以上者爲

中等計考列最優等九名優等五名中等十八名分別榜示此外不足六十分者尙有十名

不在錄取之列均擬諭令再加研究將來學問有進仍准其送部再考以宏造就除考取各

生名次等第另由學部繕具清單帶領引

見請

旨給予出身外所有臣等會同考

驗游學畢業生情形理合恭摺會陳伏乞

皇太后

皇上聖鑒謹 奏

學部附奏酌改考試畢業分數片

再查奏定學堂章程內開凡畢業考試以通計各門分數滿八十分以上者爲最優者滿六十分以上者爲優等滿四十分以上等爲中等四十分至二十分止爲下等二十分以下爲最下等考列最優等及優等中等者照章分別給獎又年終考試最優等及優等則升級中等下等則留原級最下等者減品行分數十分之一若三次最下等者即令其出學外國高等以下各學堂不滿四十分者即行退學大學堂不滿六十分者亦即行退學中國此時初辦尚可從寬將來仍宜酌量情形漸加嚴密各等語臣等竊維有道張弛政有寬嚴必時措之爲宜非一成而不易現在京外各種學堂逐漸增設而各教員核計分數仍屬從寬其平日及年終考試分數不滿四十分之學生殆絕無而僅有將來畢業考試亦復如之則學生皆可列中等以上中等以上無復有出學之人且既以百分爲極則而考得四十分者分數尙未及半即可邀獎反不足以示勸故上年山西大學堂畢業經撫臣奏請變通辦理須

第十二冊第三篇

計分數在五十以上者始准送部覆試升學給獎蓋有見及此也臣等此次考驗游學畢業生公同商酌略仿外國學堂辦法凡通計八十分以上者列最優等七十分以上者列優等六十分以上者列中等體察情形寬嚴尙屬得中將來京外各學堂擬請按照此次分別等第辦法一律推行以歸畫一如蒙 諭允卽由學部將奏定各學堂考試章程詳加修改通行各省辦理臣等爲核實起見是否有當謹合詞附片具陳伏乞 聖鑒訓示謹 奏
學部附奏派員查學片

再查臣部官制章程擬設視學官暫無定員事任巡視京外學務其巡視地方及詳細規則當另立專章奏明辦理等語現因各省提學使正在出洋考察擬俟各該員到任後詳詢情形始能定爲專章有所遵守是以臣部視學官一時未能請補擬先酌派部員前往近畿各省考察學務其已辦學堂有不法者繩糾之其尙未興辦者董勸之冀漸謀整齊畫一之法惟此等人員必深通教育者方克勝任查有調部行走之光祿寺署正羅振玉江西候補知縣劉鍾琳分省試用同知田吳炤游學畢業生張煜全學識俱優操履端潔堪以派充查學委員擬先往直隸河南山東山西四省詳細考查認真稽核限於年內查畢同京將所查

情形報由臣部分別辦理其川資由部發給不得取給地方其餘各省仍由臣等陸續遣員考察以重學務理合附片陳明伏乞 聖鑒謹 奏

學部奏議獎山西中學專齋畢業生段逢年等虛銜摺

奏爲違旨議奏恭摺仰祈

聖鑒事本年九月初八日內閣鈔出山西巡撫恩壽附奏中

學專齋豫備科畢業生內有舉人段逢年等七名應如何給獎一片奉

旨學部議奏欽

此欽遵到部查原奏內稱此次中齋畢業生內有已經揀選舉人段逢年閻佩禮馬繼楨岳欽郭希賢崔岳等六名未經揀選舉人劉硯齋一名副貢生王執中一名緣當日設立專齋係爲高等學堂故舉貢亦得肄業今以程度未合由高等降爲中等除副貢生王執中應照中學堂章程獎以官職外其舉人段逢年等七名既已在堂畢業應如何給予出身等語臣等查奏定學堂章程內載中學堂畢業獎勵最優等作爲拔貢優等作爲優貢中等作爲歲貢其原係舉人之學生應如何給獎未經訂明惟該舉人段逢年等既經考驗畢業亦不能不量爲變通以資鼓舞查奏定高等學堂畢業獎勵考列優等者作爲舉人覆試合格內以中書儘先補用考列中等者作爲舉人內以部寺司務補用等語該舉人段逢年等係在中

學堂畢業自應比照高等獎章少爲差別擬請將考列優等之舉人段逢年閻佩禮馬繼楨岳欽郭希賢劉硯奮等六名獎給中書科中書銜考列中等之舉人崔崑一名獎給各部寺司務銜以資勸勵將來各處中學堂有原係舉人考列最優等或優等中等者均比照高等學堂所獎官職改請獎給虛銜似此變通辦理尙無窒礙如蒙 諭允卽由臣部行知該撫並通行各省督撫遵照辦理所有遵 旨議奏緣由謹繕摺具陳伏乞 皇太后

皇上聖鑒 奏

總督部堂奏大竹縣民陳和順等捐資興學懇請給獎片

再查戶部奏定新章凡報効學堂經費者比照賑捐章程均按五成實銀核給銜封貢監翎枝等項業經遵辦在案茲有四川大竹縣鄉民陳和順遵其母陳王氏命捐銀一千二百兩並捐地基一段值銀二百二十兩由業一分值銀一千三百二十兩合計共捐銀二千七百四十兩以作創辦初等小學堂經費陳莊恪之子陳鴻圖捐田一分瓦屋一院共值銀一千六百二十兩嫗婦鄧李氏率其子鄧仁壽捐田一分瓦屋六間共值銀一千四百三十兩均作爲設立小學堂常年經費又江津縣州同職銜何信侯卽何文瀚捐田二分值銀一千七

百兩房舍一所值銀三百兩均作爲興建學堂之用又曷捐中學堂修費銀四百兩合計共捐銀二千四百兩由該兩縣將所捐田地房屋銀兩勘明收清先後詳請援例奏獎均經飭司核議請將陳和順獎以監生加獎知府職銜並獎伊母陳王氏四品

封典陳莊恪之

子陳鴻圖鄧李氏之子鄧仁壽均由俊秀獎以監生加獎同知職銜並獎陳莊恪鄧李氏各五品 封典州同職銜何信侯即何文瀚由州同獎給同知職銜並獎花翎按其所捐銀數核計五成實銀均屬有盈無絀應並請 旨飭部給獎以爲捐貲興學者勸除飭取各冊結咨部外理合附片具陳伏乞 聖鑒訓示謹 奏

吏部奏添設學治館摺

奏爲仕途無雜亟宜澄敘擬申明舊例略事變通添設學治館以資肄習而造吏才恭摺仰祈 聖鑒事竊查定例月選各官及分發人員應行驗看者吏部將滿漢九卿並掌科掌道職名開列進 呈恭候 欽派驗看如此內有行止不端出身不正等弊即行舉出交吏部於月官履歷進 呈時一併奏 聞京官外官應驗看者悉行考試如果政治確有所見准其據實條奏或自述何以居官何以蒞事亦准呈納若無條奏敷陳祇令繕寫履歷令本員

密封吏部彙齊進 呈恭候引 見又非正途出身之捐納保舉議叙各員赴部分發時傳令當堂開寫年貌籍貫出身履歷三代姓氏年歲等語仰見 朝廷詢事考言實事求是立法本屬至善乃日久奉行漸成具文近年各項選補人員紛紛赴部或由軍功擢荐或由捐納花樣其中案牘不諳年少無識之人時所不免若僅繕寫履歷不足以資考核臣部爲用人總滙候選分發各項人員同通有佐理之責且間有管理民事者州縣尤爲親民之官關係俱屬重要若以空疏無具文理不通之員任之未有不僨事者臣等公同斟酌擬就臣部設學治館一所預備分別肄習除道府大員暨各項正途出身學堂畢業曾任實缺應升人員及已經到省過班人員仍照例月選分發由各督撫查看甄別毋庸入館學習外其非正途出身學堂畢業之捐納保舉初任牧令丞倅暨例應投供之佐雜各員赴部投供分發者分別入館分門學習由臣等隨時接見詢問稽核課程加以考試投供各員內如公事明白堪以入仕者學習不拘日期輪選到班時即照例擬選其吏事不諳文義不通者應暫行停選虛積過班令其留館學習六個月再行察看果能造就日進再行補選所選之缺卽以其次到班應選之人堪膺民社者遞推擬選至分發各員擬令呈結到部後先由臣等考試合

格者卽令附入驗看其不合格者亦令其學習三個月再行驗看分發以上月選分發兩項人員如留館學習後仍無進益者再留館學習一年如所習終無進益卽行停其餘選分發其正途曾任之員有願入館肄習者各聽其便不限學期學習各員驗看時仍由驗看大臣詢問考試暨赴臣部繕寫履歷到省後仍由各督撫認真察看甄別以符定例如此預爲學習於吏治似不無裨益臣等爲澄清仕途造就吏才起見如蒙 諭允由臣部自籌經費定期開辦此次驗看各員內有年少捐納多人擬請卽行考試以重吏治所有臣等擬設學治館緣由理合恭摺具陳伏乞 皇太后 皇上聖鑒訓示謹 奏

總督部堂奏墊江縣孀婦易張氏捐款助學請 予建坊片

再查例載士民人等捐助地方公款銀至千兩以上者均得請 旨建坊歷經遵辦在案茲有四川墊江縣孀婦易張氏遵其故夫監生易子榮遺命命子元勳捐銀一千二百兩以助學堂經費據該縣將所捐銀兩照數收清詳請 奏獎前來奴才覆查該孀婦身雖巾幗深明大義得諸偏隅洵堪風示合無仰懇 天恩給予樂善好施字樣准其在該本籍自行建坊以昭激勸之處出自 逾格鴻慈謹附片具陳伏乞 聖鑒訓示謹 奏